


Nijdamstra to Grou biwenne troch Dirk J. Riedstra



De bûthússide fan Nijdamstra to Grou. Dizze pleats wurdt biwenne troch Dirk J. Riedstra.

As men fanôf Jirnsum nei Grou reizget sjocht men al gau oan jins rjochterhân in moaije kop-hals-romppleats stean. It is tichteby Jirnsum en ik tink dat de biwenners ek mear op dat doarp ynsteld binne as op Grou, der't it kadastral under heart. Dizze pleats is Nijdamstra, it sté hwerfan de measte Nijdams sizze kinne, dat is it plak hwer't ús famylje wei ófstamt. (Men sjocht hjerfaar mar nei de genealogy fan de hear Vleer oer de Nijdams).

Omdat dizze pleats de âlde name biwarre hat hie dy myn bilangstelling, ek al wie it my bikend dat de Nijdams der al lang net mear wennen. De tsjintwurdige biwener is Dirk J. Riedstra.

Ik trof de boer thús; it wie iters-tiid. Ik ha yn dy tiid in pear foto's makke en efkes letter siet ik mei de boer en de boerinne yn de opkeamer to praten oer harren pleats, der't se nou al in 30 jier wenne hawwe.

It docht jin sa moai oan, sa'n pleats mei molkenkelder en opkeamer, mei in bûtentrep. Doe't ik dat sa sei, andere de boer: „Ja wy binne ek wiis mei de huzinge en al komme wy beide dan ek út in hiel oare streek, de boer út Ryptsjerk

en de boerinne út Koufurderige, wy fiele ús hjer tige thús.

De pleats is 89 pounsmiet great en wy melke hjer in 28 kij. Net folle foar de tsjintwurdige tiid sille jo tinke en dat is ek sa, mar troch de arbeidskrapte haw ik de melkerij hwat yntkoart en weidzje der simmerdei in stik of fiif kij by, ik keape maeitiids in 35 lammen dy't hjerstmis wer forkocht wurde. Op dizze manier kinne wy it mei help fan leanbidriuwen aerlich rôdde".

Yn de floreen- en stimkohieren fan Grou komt Nijdamstra foar by nû. 1. Eardere eigeners en brûkers hawwe west:

1640 Willem Willems de Oude.

1698 Bote Idzerts Nidam 30 pounsmiet eigener, Bonne Willems, Anne Willems, Wijgert Willems en noch oare eigeners foar de rest. Bote Idzerts brûker.

1708 Bote Idzerts Nidam eigener en brûker.

1718 Idzerd Botes Nidams erven Claes Botes en Nank Botes eigeners, Idzerd Botes brûker.

1728 as yn 1718.

1738 as yn 1728.

1748 Ald boargemaster Bourboom en oaren eigener, Ruurd Eeltsjes brûker.

1758 Boargemaster Bourboom en siktaris Bruinsma eigeners fan 81 pounsmiet, Doekele Eeltjes 14 pounsmiet eigener en Dirk Gabes 5

pounsmiet eigener, Ruurd Eeltjes brûker.

1768 Widd. Bourboom-Van Sloterdyck eigener, Ruurd Eeltjes brûker.

1778 Selde eigener en brûker.

1788 Dokters Jacob Frederik en Willem Augustus Posthumus eige-ners, Ruurd Eeltjes brûker. De pleats hat ien stim en is 100 pounsmiet great.



It foarein fan de pleats mei de bûtetrep.

1798 Famylje Van Sloterdyck eige-ner en Ruurd Eeltjes brûker.

1818 Erven van Sloterdyck eige-ner en Eeltje Ruurds Veenman brûker.

1828 as yn 1818.

1838 Jacob Frederik Bourboom van Sloterdyck eigener, Sjoerd Bottinga brûker.

1848 ~~Bruin~~ Bruins de Boer eige-ner en brûker.

1858 As yn 1848.

Oant safier de floreen- en stimko-hieren.

ROUWE BROERS
Hoe lang ~~Bruin~~ Bruins de Boer der wenne hat is my net bikeñd. Wol wit ik dat de pleats letter eigendom west hat fan de famylje Jansma en letter troch forerven fan de famylje Kingma, fédokter, to Menaem. Fan dizze famylje hawwe der buorke Eldert Jansma en Trijn-tje Schaap, letter opfolge troch Sij-be Jansma en Trijn-tje Nijdam. Dizzen hawwe der oant 1929 ta wenne. de pleats wie doe al eigendom fan de famylje Kingma.

As hierders binne der doe opkom-men Willem Hazenberg en Ytje van der Meer. Dizze binne opfolge troch harren soan Hendrik Hazenberg en Anna.... Yn 1935 binne de tsjintwurdige biwenners, Dirk J. Riedstra en Hiltje Falkena, der kommen. Se binne der kommen as hierboer, mar yn 1965 hat de hear Riedstra de pleats, dy't nou noch 89 pounsmiet great is, kocht fan de widd. Kingma sadat se nou op eigen spul wenje.

Sa't ik earder al skreaun haw, se fiele harren dêr tige thús en ik winskje dan ek de famylje Riedstra ta dat de bân mei de pleats lang bi-warre bliuwe mei.

d. H.